



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Bona malis nocere, mala bonis prodesse, atque hoc pacto bona fieri.

urn:nbn:de:hbz:466:1-45686

quitur, ut omnes seculi plague nobis, si forte in admonitionem, vobis in castigationem, à Deo obueniant. Atqui nos nullo modo ledimur: in primis quia nihil nostra refert, in hoc a.º, nisi de eo, quam celeriter, excedere. Dehinc, quia si quid aduersi infligitur, vestris meritis deputatur. Sed et si aliqua nos quoq; perstringunt, ut vobis coherentes; letamur magis, recognitione diuinarum predicationum, confirmantium scilicet fiduciam & fidem spei nostræ. Sunt enim quasi arrha, aut diuinæ amicitiaz symbolum, quæcunque nos inuitant, immo, tanquam calcaria, incitant, vt ad melioris vitæ brauium alacrius decurramus.

Non igitur mala sunt, quæ mala vulgo censentur, nisi malis; quibus ipsa bona nocent, non tamen idcirco in malis numeranda. Vis videre, quo modo bona malis noceant? Aristotelem audi. Ut homo, inquit, perfectionem natus, animantium est optimus; sic cum à lege iustitiaq; discessit, omnium pessimus habetur: importunissima est enim armata iniustitia. At homo prudentia & virtute (hoc est, solertia in rebus agendis, & potestate operandi) armatus est à natura, quibus maxime potest in res contrarias uti. Itaq; impie nefarius, atq; immanissimus, absq; virtute, (vera & morali) fit & in venerem, & gulam turpisimus. Quis ingenium acre, rem malam vocet, quia eo malè viritur Sinon, aut Vlysses? In se bona, bona semper manent, nisi fine, & vsu contagium trahant: non tamen idcirco non men mutant. Quare neque illa debent malorum nomine damnari, quæ fine & vsu sunt optima: neque ea bona nimium adorari, quia, cum scopo & vsu soleant pessimos facere, tamen sunt in summa, apud mortales, estimatione, & ferè sola bona nominari consueuerunt. Si tamen, etiam in his ipsis bonis dignoscendis, non errant. Quemadmodum enim in speculis, quæ dextera sunt, sinistra; & quæ sinistra, dextera apparent; & nauigantibus rates stare, littora ambulare videntur: ita ijs, qui peruerso sunt iudicio, mens vertigine titubat, & amantis Dei beneficia titulo malorum infamat. Quidquid à Deo est, bonum est, quia ipse bonus: si quid malum esse incipit, à nobis incipit bonis malè utentibus. Paupertatem, inopiam, matrimonium rixosum, morbos, mortem, mala vocas? Injuriam facis: non enim sunt mala, quæ faciunt bonos, aut malis nos eripiunt. Repete veteres memorias, & inuenies plures, quos egestas ad moderationem, conuicia ad patientiam, inualetudo ad fru-

Aristot.lib.r.
Polit. cap. 2.

gem

8 Cap. II. Non omnia mala esse, qua mala putantur.

gem reduxit. In tuummet sinum inspice, & cogita, quoties te angustiae, curae, dolores refrænârint in præcipitia ruentem? quoties ad D E V M adegerint trepidantem. An illa mala esse arbitraris, à quibus, à vita licentia, fuisti retractus, & ductus ad salutis fontem? Noli ergo, malorum nomine, res tibi tam bonas deuenire. Quis agricola, sarculum, aratum, siuam, mala vocat? Sunt tamen illa laboris instrumentum, & fatigant illum. At sine illis, vt non serit, ita nec metit.

IV.

III.
III.

V.
Plato in
Coniuio.
Erasm. Chil.
3. Cent. 3.

Psal. 113. 13.

Alcibiades, apud Platonem, Socratis encomium dicturus, eum Silenis similem facit, quod is multò alius esset propriùs intuenti, quā summo habitu specieque videretur. Quem, si de summa, quod dici solet, cute quis estimasset, non emisset a se. Facie erat rusticana; taurinus aspectus; nares simae, mucroque plenae. Sanctionem quempiam, bardum, ac stupidum dixisses. Cultus neglegens, sermo simplex ac plebeius, & humilis, vt qui semper aurigas, cerdones, fullones, & fabros haberet in ore. Nam hinc ferre sumebat illas suas inductiones, quibus vrgebat in disputando. Fortunae tenuis vxor, qualem ne vilissimus quidem carbonarius ducere posset. Videbatur ineptus ad omnia Reipublicæ munia; adeò, vt, quodam die, nescio quid, apud populum, adorsus agere, cum risu sit explosus. Denique iocus ille perpetuus nonnullam habebat morionis speciem. Cum, ea tempestate, ad insaniam usque, ferweret, inter stultos, profitendi sapientiam ambitio, nec unus esset Gorgias